

史

記

疏

證

史記疏證卷第四十一

仲尼弟子列傳第七

習學記言曰仲尼弟子列傳以論語左氏次之不至甚謬至子貢稍欲見其一二遽為辨士所扳引浮鄙淫誕殆不可洗濯而遷亦載之何邪古文與俗說不並立然遷意所喜不能盡去也

二十九髮盡白早死

邵泰衢曰按孔子卒于哀公十六年年七十二哀公十四年顏子死伯魚年五十先孔子

死家語云回三十二而死按孔子生伯魚五十而死是時孔子六十九矣哀公十四年回死是孔子七十一矣計其年回當四十一非三十二也夫子曰短命者德宜長年雖四十一亦曰短命耳謂二十九而髮白蚤死與三十二死者皆非也鯉先回死孔子年六十九而鯉卒若回三十二而死則先鯉矣

冉耕字伯牛

秀水朱彝尊孔子弟子考曰按聖門志闕里廣志稱伯牛少孔子七歲不審何據

伯牛有惡疾

茅坤曰冉伯牛鄆人去臨洺五百里嘗事孔子終身不仕洺之人何以廟而祀之洺之西五百冉子墓在焉豈孔子門人各以其學授諸侯之國而冉子死於是耶然考之冉子死而孔子與之訣蓋死鄆也

冉求

家語仲弓之宗族

敢問問同而荅異

史詮曰宋本無問同以下五字

仲由字子路卞人也

韓詩外傳子路卞之野人也

冠雄雞佩玃豚陵暴孔子孔子設禮稍誘子路  
子路後儒服委質

論衡世稱子路無怙之庸人未入聖門時戴  
雞佩豚勇猛無禮聞誦讀之聲搖雞奮豚揚  
唇吻之音聒聖賢之耳惡至甚矣孔子引而  
教之漸漬磨礪開導牖進猛氣消損驕節屈  
折卒能政事列在四科斯蓋變性使惡為善  
之明效也 韓詩外傳子路盛服以見孔子

孔子曰由疏疏者何也昔者江於濱其始出  
也不足以濫觴及其至乎江之津也不方舟  
不避風不可渡也非其衆川之多歟今汝衣  
服其盛顏色充滿天下有誰加汝哉子路趨  
出改服而入蓋攝如也

子路為蒲大夫辭孔子孔子曰蒲多壯士又難  
治然吾語汝恭以敬可以執勇寬以正可以比  
衆恭正以靜可以報上

韓詩外傳子路治蒲三年孔子過之入境而  
善之曰由恭敬以信矣入邑曰善哉由忠信

以寬矣至庭曰善哉由明察以斷矣子貢執轡而問曰夫子未見由而三稱善可得聞乎孔子曰入其境田疇草萊甚辟此恭敬以信故民盡力入邑墉屋甚尊樹木甚茂此忠信以寬其民不偷入其庭甚閑此明察以斷故民不擾也說苑臣術篇子路為蒲大夫備水災與民春修溝瀆為人煩苦故予人一簞食一壺漿

君馬用孔悝請得而殺之

陳子龍曰季子救孔悝而來豈應出此語固

知左氏為當矣

乃下石乞壺廩攻子路

李廷機曰史記孔惺之難普蹟懼乃下石乞壺廩攻子路斷纓子路結纓而死據論語義壺廩一曰狐黯以詐墜子路折股畏其目光不敢前曰請覆子之目子路以衣袂掩目遂殺之又師覺授孝子傳子路之子仲子崔欲報父讐殺狐廩告於夫子夫子曰行矣廩知之曰君子不掩人之不備須後日以蒲弓木戟與子崔戰而死然則狐廩蓋悔其詐殺子



路而以死成子崔之孝者也事固不可信然亦足以少雪覆醢之辱

宰我為臨淄大夫與田常作亂以夷其族孔子耻之

龜山楊氏曰田常為亂於齊齊君蓋弗勝也宰予附田常則誰得而殺之使其為齊君而死則予何罪焉容齋續筆曰史記稱宰我為齊臨淄大夫與田常作難以夷其族孔子耻之蘓子由作古史精為辨之以為子我者闕止也與田常爭齊政為常所殺以其字亦

曰子我故戰國策之書誤以為宰予此論既  
出聖門高弟得免非義之謗東坡又引李斯  
諫書謂田常陰取齊國殺宰予於庭是其不  
從田常故為所殺也予又考之子路之死孔  
子曰由也死矣又曰天祝予哭於中庭使人  
覆醢其悲之如是不應宰予遇禍略無一言孟  
子所載三子論聖人賢于堯舜等語疑是夫  
子沒後所談不然師在而各出意見議之無復  
質正恐非也然則宰我不死於田常更可證  
矣而淮南子又有一說云將相攝威擅勢私

門成黨而使道不行故使陳成田常鴈夷子  
皮得成其難使呂氏絕祀子皮謂范蠡也蠡  
浮海變姓名游齊時簡公之難已十餘年矣  
說苑亦云田常與宰我爭宰我將攻之鴈夷  
子皮告田常遂殘宰我此說尤為無稽是以  
蠡為助田氏為齊禍其不分賢逆如此 楊  
慎曰按李斯傳言趙高之短于二世曰田常  
為齊簡公目下得百姓上得群臣陰取齊國  
殺宰予于庭遂弑簡公斯去宰予未遠所言  
當得其寔如斯所言則宰予之死仇牧之類

也司馬遷遂誣以作亂作亂本無明文而與難獨  
有此誣不然幾厚誣賢者索隱知其非而又  
曲為闕止子我之辨亦紆曲不若是証之明  
也

且夫無報人之志而令人疑之拙也有報人之  
意使人知之殆也事木發而先聞危也

凌稚隆曰按家語越絕書吳越春秋並載此  
語蘇代說燕惠王噲語與此同見戰國策  
故子貢一出存魯亂齊破吳彊晉而霸越子貢  
一使使相破十年之中五國各有變

通鑑外紀曰戰國之時齊魯交兵者數矣一  
不被伐安能存哉田氏弱齊一當吳兵安能  
亂哉吳不脩越而亡勝齊安能破哉四卿擅  
權晉以衰弱脩兵休卒安能強哉越從吳伐  
齊滅吳乃強此安能伯哉十年之中魯齊晉  
未嘗有變吳越不為是而存亡遷之言華而  
少實哉古史曰予觀春秋左氏傳齊之伐魯  
本於悼公之怒季姬而非陳恒吳之伐齊本  
怒悼公之反覆而非子貢吳齊之戰陳乞猶  
在而恒未任事九太史公所記皆非也蓋戰

國說荆川太史客設為子貢之辭自托於孔氏而太史

公信之耳 楊慎曰太史公信戰國策游士

之說載子貢一出存魯亂齊破吳強晉而伯  
越其文震耀其詞便利又皆信之雖朱文公  
亦惑之獨蘓子由作古史考而其事始白若  
如太史公言則子貢一蘓秦耳

言偃吳人字子游

朱彞尊曰許慎說文偃作於象旌旗之游

少孔子四十五歲

弟子考作三十五歲

孔子既沒子夏居西河教授為魏文侯師

容齋續筆曰按史記所書子夏少孔子四十  
四歲孔子卒時子夏年二十八矣是時周敬  
王四十一年後一年元王立歷正定王考王  
至威烈王二十三年魏始為侯去孔子卒時  
七十五年文侯為大夫二十二年而為侯又  
六年而卒姑以始侯之歲計之則子夏已百  
三歲矣方為諸侯師豈其然乎

顓孫師陳人

呂氏春秋曰子張魯之鄙家也

少孔子四十八歲

金甌曰按世家云陳蔡之厄孔子年六十三則子張是時才十五歲游夏之徒俱未及二十耶此等年歲恐未可深信按韓子云自孔子之死也有子張之儒有子思之儒有顏氏之儒有孟氏之儒有仲良氏之儒有孫氏之儒儒分為八

孔子以為能通孝道

韓詩外傳曾子仕於莒得粟三秉方是之時曾子重其祿而輕其身親沒之後齊迎以相



楚迎以令尹晉迎以上卿方是之時曾子重其身而輕其祿

宓不齊字子賤少孔子四十九歲

索隱曰家語

十歲此云四十九不同

朱彞尊曰按史記索隱引家語云少孔子四十九歲而今本家語無九字索隱又引史記文三十而今本史記作四十流傳既久均失其故矣

子賤為單父宰反命於孔子曰此國有賢不齊者五人教不齊所以治者孔子曰惜哉不齊所

治者小所治者大則庶幾矣

韓詩外傳子賤台單父其民附孔子曰告丘  
之所以治之者對曰不齊時發倉廩振困窮  
補不足孔子曰是小人附耳末也對曰賞有  
能招賢才退不肖孔子曰是士附耳末也對  
曰所父事者三人所兄事者五人所友者十  
有二人所師者一人孔子曰所父事者三人  
所兄事者五人足以教弟矣所友者十有二  
人足以祛壅蔽矣所師者一人足以慮無失  
策舉無敗功矣惜乎不齊為之大功乃與堯

舜參矣

憲攝敝衣冠見子貢

韓詩外傳原憲楮冠黎杖而應門正冠則纓絕振襟則肘見納履則踵決

南宮括字子容是索隱曰孟傳子家之語子仲南宮閔也蓋居人

南宮因姓焉

夏洪基孔門弟子記略曰南宮适之為敬叔非也按史記南宮括字子容初未嘗云是孟僖子之子孟懿子之兄也而索隱注遽云是孟僖子之子仲孫閱論語集注亦云謚敬叔

孟懿子之兄史無其文也可疑一也適見家語一名緇是適已有二名矣而左傳孟僖子云必屬說與何忌于夫子索隱又云仲孫閱是又二名天下豈有一人而四名者乎可疑二也孔子在魯族姓頗微而南宮敬叔公族元子遺從孔子時定已娶于強家矣豈孔子得以兄子妻之可疑三也禮記檀弓載南宮敬叔反必載寶而朝孔子曰喪不如速貧之為愈也苦而人豈能抑權力而伸有德謹言語而不廢于有道之邦邪愚以敬叔之與南

宮适皎然二人矣 朱彞尊曰按史記南宮  
括字子容論語括作适家語南宮縚字子容  
其妻孔子凡女又稱南宮敬叔魯孟僖子之  
子仲孫閱也左氏傳昭公七年孟僖子屬說  
與何忌于夫子使事之杜預注云說南宮敬  
叔僖子之子然則括也适也縚也說也閱也  
一子容而名有五也崇禎末高郵夏弘基元  
開輯孔門弟子傳略以南宮縚适括字子容  
為一人以仲孫說閱縚敬叔者為一人至于  
說苑所載南宮邊子謂是适字之譌然漢書

古人表既有南容又有南宮敬叔又有南宮  
邊子顏師古注于南容則云南宮縚也于敬  
叔則名南宮适也是縚與适适與邊子均未  
可混而為一矣

### 公皙哀字季次

金石文字記曰汶上縣有漢衛尉卿衡方碑  
其文曰履諡顏原兼修季田洪适以顏原為  
顏淵原憲而都穆以季由即季路與兼脩義  
不協按公皙哀字季次不為家臣太史公與  
原憲並稱一稱字一稱名亦古文所嘗有也

朱彞尊曰次或作況

同傳菑川人楊何

愚按楊何即史公父談所從受易者也

何元朔中

史詮曰漢書作元光

高柴字子羔

王應麟曰衛高柴為孔子弟子後居于魯

朱彞尊曰左傳作季羔檀弓韓非子作子皋

公伯僚字子周

朱彞尊曰論語作寮史記索隱作僚今本作

僚又或作遼或云即申僚

周愬子路於季孫

朱彞尊曰按公伯僚見史記弟子傳又見文  
翁禮殿圖必非無稽之言後儒以愬子路一  
事斷為非聖人之徒然論語聖門六十人所  
記公是公非有過未嘗少隱即宰我冉有陳  
亢過皆不免似未可以一眚而盡掩其生平  
也子長引孔子之言受業身通者七十有七  
人皆異能之士察蓋其一矣而致堂胡氏因  
家語不列其名氏謂史記失之迨明程敏政



乃建議謂是聖門之姦媿請罷其祀嘉靖中  
行人司正薛侃復謂公伯寮及秦冉顏何皆  
不見于家語而傳會于史記請均去之愚謂  
家語史記周公禮殿圖傳聞異辭則有之若  
專信家語以史記為傳會未免失之偏矣

司馬耕

家語耕上有然字

樊須字子遲少孔子三十六歲

家語作四十六歲

有若少孔子十三歲

正義曰家語云魯人字有  
少孔子三十歲不同

朱彞尊曰按張守節據家語文云少三十三歲今本家語作三十六歲殆誤也

有若狀似孔子弟子相與共立為師

困學紀聞曰有若狀似孔子共立為師宋景文公曰此鄒魯間野人語耳觀孟子書則始嘗謀之後弗克舉安有撤坐坐之論乎

弟子起曰有子避之此非子之座也

容齋隨筆曰此兩事殆近於星曆卜祝之學何足以為聖人而謂孔子言之乎有若不能知何所加損而弟子遽以是介退之乎孟子

稱子夏子張子游以若似聖人欲以所事孔子事之曾子不可但言江漢秋陽不可尚而已未嘗深詆也論語記諸善言以有子之言為第二章在曾子之前使有避坐之事弟子肯如是哉檀弓載有子聞曾子喪欲速貧死欲速朽兩語以為非君子之言又以為夫子有為言之子游曰其哉有子之言似夫子也則其為門弟子所敬久矣太史公之書於是為失矣且門人所傳者道也豈應以貌狀之似而師之邪

巫馬施字子旗

愚按家語旗作期韓詩外傳子路與巫馬期  
新於韞丘之下

梁鱣字叔魚少孔子二十九歲

家語作三十九歲

顏幸字子柳

朱彛尊曰通典作柳咸淳臨安志作韋或作

辛

伯虔字子析

朱彛尊曰按伯虔史記家語不著何地人考

咸淳臨安志云是魯人宋思陵贊曰有虔子  
析全魯之彥當必有所本也

公孫龍字子石

日知錄曰按漢書注公孫龍趙人為堅白異  
同之說者與平原君同時去夫子近二百年  
殆非也且云少孔子五十三歲則當田常代  
魯之年僅十三四歲爾而曰子張子石請行  
豈甘羅外黃舍人兒之此乎

顏高字子驕

李光縉曰左傳定公八年公侵齊門于楊州

士皆坐列曰顏高之弓六鈞皆取而傳觀之  
註云顏高魯有力人疑即此人與 朱彞尊  
曰史記索隱云家語名產今本家語作顏刻  
少孔子五十歲

漆雕徒父

凌稚隆曰按徒父字子有

秦冉字門

朱彞尊曰禮殿圖有家語無

公夏首字乘

朱彞尊曰按魏志有公夏浩或子乘之後

奚容蒧字子哲

朱彞尊曰一云字子楷

顏祖字襄

孔子弟子考作顏相字子襄朱彞尊曰按孟子昔者曾子謂子襄曰或是語顏子亦未可定

郭單字子家

朱彞尊曰禮殿圖有家語無

句并彊

朱彞尊曰字子彊

秦商字子丕

李光縉曰家語云秦商魯人字不慈鄭玄曰  
楚人字子丕愚按不慈當作丕慈左傳孟氏  
之臣秦董父嘗御重如偃陽之役反歸獻子  
以為右生秦丕茲事仲尼則此人也作魯人  
為是 朱彛尊曰按高郵夏氏孔門弟子記  
略及闕里廣志皆云商少孔子四十歲然秦  
子父董父偃陽之役與叔梁紇俱以力聞宜  
與孔子生年相近今據家語舊聞暨史記索  
隱蘓氏古史文正之又宋大中祥符元年贈



孔門弟子使爵商未得與至大觀四年禮局上言遂補贈馮翊侯闕里志誤以秦祖鄆城之封移之商非也

### 申黨字周

論語釋文曰申枏鄭康成云蓋孔子弟子申續史記云申黨字周家語云申續字周也王應麟曰史記申黨字周家語申續字周今史記以黨為黨家語以續為續傳寫之誤也後漢王政碑云有羔羊之絜無申黨之欲亦以枏為黨則申黨申枏一人耳唐開元封申

黨名陵伯又封申振魯伯本朝祥符封振文  
登侯又封黨淄川侯俱列從祀黨即棠也一  
人而為二人失于詳考陸氏釋文也史記索  
隱謂文翁圖有申棠申振今所傳禮殿圖有  
申黨無申振 朱彞尊曰按七十子顏氏居  
其八冉氏居其五秦氏居其四公西氏漆雕  
氏居其三商氏縣氏原氏居其二若申振申  
棠文翁圖記並列開元祥符亦並追封鄭康  
成陸德明疑為一人則以續黨並字周也夫  
棠黨字義相近合之可耳而高郵夏洪基強

以棠根為諧聲字亦近鑿且如公西蒧公西  
輿如同字子上未嘗不並祀何獨續與黨同  
字必當去其一乎竊謂唐宋議禮諸儒未為  
不是有其舉之莫或廢也記有之矣

榮旂字子棋

朱彛尊曰家語作榮祈字子顏

縣成字子祺

朱彛尊曰今本家語作子橫

步叔乘字子車

朱彛尊曰按應劭風俗通云凡氏于字伯仲

叔季是也氏有太叔仲叔則有少叔無足異者子車之姓家語史記諸書皆作步而廣韵注云孔子弟子有少叔乘係複姓今從之

### 樂歎字子聲

朱彛尊曰按春秋定公十二年費宰公山不狃率費人以襲魯孔子命申頌句樂頌勒士衆下伐之費人北遂獲三都之城杜預注以二人為魯大夫考樂歎家語作樂欣欣與頌偏旁相同疑頌即是欣且文云孔子命之其為弟子未可知也

叔仲會字子期

朱彞尊曰魯峻石壁畫像云少孔子五十歲

商君列傳第八

為中庶子

戰國策校注曰如甘羅為文信侯少庶子之

比

欲令寡人以國聽公孫鞅也豈不悖哉

戰國策此非公叔之悖也惠王之悖也悖者

之患固以不悖者為悖又觀秋

卒定變法之令

習學記言曰商鞅變法大事也遷不不加疏  
別淺深無次而學者亦考之不詳所謂令民  
為什伍而相收司連坐者此變法之本意也  
古者為比閭族黨使民相保相受相和親有  
罪竒衰相及是亦連坐而非厲民者不相收  
司也孟子教治滕則曰死徙無出鄉鄉田同  
井出入相友守望相助疾病相扶持蓋治小  
國合散民以親睦為先雖有罪竒衰亦未暇  
相反也先王以公天下之法使民私其私商  
鞅以私一國之法使民公其公此其所以異

也不告姦者腰斬告姦者與斬敵首同賞匿  
姦者與降敵同罰此因事積習致然蓋有受  
是賞罰者若遽立為一成之法以齊秦俗則  
民之叛秦不待勝廣矣不分異者漸以倍賦  
法偏奪之先王之法雖防民情如成訟勿讎  
避讎令民有所出入葉公曰吾黨有直躬者  
其父攘羊而子證之孔子曰吾黨之直者異  
於是父為子隱子為父隱直在其中矣今鞅  
使民一切不得私關相蔽隱直情徑達以奉  
公上又事未利及迫而貧者先王雖有里布

屋粟之罰而間民轉移執事不舉而收孥之  
也其設法抑民輕重曲折事不一端而遷之  
所載謂直茗酒之鳩藥之烏喙疾之寒熱七  
首之濡縷立死者亦未然也至如集小鄉為  
縣開井邑為阡陌之類則固可運行矣蓋其  
禁民巧察民專沉鷙果敢一施於上下而私  
其便於國故雖殺其身卒不能廢其法數百  
年而禁制成秦已亡而猶不可變凡行於後  
世者增損厚薄微有不同大抵皆執之遺術  
也何獨彼之非乎



有一人徙之輒予五十金

困學紀聞曰呂氏春秋云吳起治西河欲諭其信於民夜日置表於南門之外令於邑中曰明日有人能償南門之外表者仕長大夫明日日晏矣莫有償表者民相謂曰此必不信有一人曰試往償表不得賞則已何傷往償表來謁吳起起自見而出仕之長大夫自是之後民信吳起之賞罰愚按商鞅入秦在吳起死後二十一年徙木予金其祖吳起之遺智歟愚按蘇氏云商鞅立信於徙木立

威於棄灰棄灰事不見於傳王伯厚曰韓子云殷之法刑棄灰於街者子貢以為重問之仲尼仲尼曰知治世之道也以商鞅之法為殷法孟康注漢五行志云商鞅為政以棄灰於道必於人於人必鬪故設黔刑以絕其原也

於是以前鞅為大良造將兵圍魏安邑降之

日知錄曰此必安邑字誤其下文曰魏惠王使使割河西之地獻於秦以和而魏遂去安邑徙都大梁乃是自安邑徙都之事耳安邑

魏都其王在焉豈得圍而便降秦本紀昭王二十一年魏獻安邑若已降于五十年之前何煩再獻乎

作為築冀闕宮庭於咸陽

董份曰既云作為又云築何也恐有衍字

為田開阡陌封疆而賦稅平

陳子龍曰世言開阡陌非是去其田塍乃許人兼并之意也然曰賦稅平者何居愚謂周末中田之制漸廢民之轉徙失業者或棄其百畝而不能治有餘力者又不能兼并以致

田多荒蕪而賦稅失平商君許其蕪并以便  
豪強亦以益公賦也

乃使使割河西之地獻於秦以和

陳子龍曰安邑本在黃河之東魏人以大梁  
為河東懷汲為河內故以蒲汾為西河過秦  
論所謂拱手而取西河之外者是也此言河  
西互言耳

### 三置晉國之君

困學紀聞曰呂成公曰秦穆納晉惠在僖九  
年納晉文在僖二十四年相距十六年

公子虔之徒告商君欲反

戰國策曰孝公疾且不起欲傳商君辭不受  
孝公已死惠王代後蒞政有頃商君告歸人  
說惠王曰大臣太重者國危左右太親者身  
危今秦婦人嬰兒皆言商君之法莫言大王  
之法是商君反為主大王更為目也且夫商  
君固大王之仇讎也願大王圖之

余嘗讀商君開塞耕戰書索隱曰按商君書開  
塞謂布恩賞則政化塞其意本於嚴刑少思又  
為田開阡陌及言斬敵首賜爵是耕戰書也  
焦竑曰司馬貞蓋未見鞅書臆為之說耳開

塞乃其第七篇謂道塞久矣今欲開之必刑  
九而賞一刑用於將過則大邪不生賞施于  
告奸則細過不失大邪不生細過不失則國  
治矣又云使商無得糴農無得糶農無糶則  
窳惰之農勉商無糴則多歲不與樂夫積而  
不糴不耕者誠困矣力田者亦何利哉 史  
詮曰淮南子作啓塞注云啓之以利塞之以  
禁商歎之術也

史記疏證卷第四十二

蘇秦列傳第九

東周雒陽人也

河南志曰洛陽城東御道北孝義里西北隅  
有蘇秦冢

而習之於鬼谷先生

論衡曰蘇秦張儀縱橫習之鬼谷先生掘地  
為坑曰下說令我泣出則能分人君之地蘇  
秦下說先生泣下霑襟張儀不若又曰蘇秦  
骨鼻張儀叱脇 袁淑真隱傳曰鬼谷先生

不知何許人隱居韜智居鬼谷山因以為稱  
蘇秦張儀師之遂立功名先生遺書責之曰  
若二君豈不見河邊之樹乎僕御折其枝波  
浪盪其根上無徑尺之陰身被數千之痕此  
木豈與天地有仇怨所居然也子不見蒿岱  
之松栢華霍之檀桐乎上枝干於青雲下根  
通於三泉千秋萬歲不受斧斤之痕此木豈  
與天地有骨肉哉蓋所居然也程子曰秦  
儀學於鬼谷其術先揣摩然後捭闔捭闔既  
動然後用鉤鉗困學紀聞曰尹知章序鬼



谷子曰蘇秦張儀往來受捫闔之術十有二章復受轉丸肱筮三章然秦儀用之裁得溫言酒食貨財之賜秦也儀也知道未足行復往見具言所受於師行之少有口吻之驗耳未有傾河填海移山之力豈可更聞至要使弟子深見其間與乎先生曰為子陳言至道齊戒擇日而往見先生乃正席而坐嚴顏而言告二子以全身之道文心雕龍云轉丸騁其巧辭飛鉗伏其精術 漢藝文志攷證曰柳子厚嘗曰劉向班固錄書無鬼谷子鬼

谷子後出而嶮盤峭薄恐其言妄亂世難信  
亢者晚乃益出七術怪謬異其言益隘使人  
猖狂失守來鵠亦曰鬼谷子昔教人詭始激  
訐揣測險滑之術悉備於章學之者惟儀秦  
而已始捭闔飛鉗實今之常態是知漸漓之  
後不讀鬼谷子書者其行事皆得自然符契  
也昔蒼頡作文字鬼為之哭不知鬼谷作是  
書鬼何為耶世人欲知鬼谷子者觀二子言  
畧盡矣劉氏涇曰老之翁張儒之閨闕其與  
鬼谷往來如環鬼幽而顯者也谷扣而應者

也藏幽露顯一扣一應信如其名哉

西有漢中

通鑑地理通釋曰漢中楚地按秦紀孝公元

年河山以東疆國六與齊威楚宣魏惠燕悼

韓哀趙成侯並淮泗之間小國十餘

所謂泗上十二

諸侯楚魏與秦接界魏築長城自鄭濱洛以

北有上郡楚自漢中南有巴黔卜周室微諸

侯力政爭相并秦僻在雍州不與中國諸侯

之會盟夷翟過之

正義云楚自梁州有漢中郡南有巴渝過江南有黔中郡

巫惠文十三年庶長章擊楚於丹陽虜其將

屈匄又攻楚漢中取地六百里置漢中郡齊湣  
王遺楚王書曰王欺于張儀亡地漢中李斯  
曰惠王用張儀之計南取漢中縣界謂范  
里道于後漢書注故城在今梁州南鄭東縣  
東北

### 南有巴蜀

通鑑地理通釋曰蜀見于牧誓地與秦接通  
典曰所謂巴實彭濮之人秦惠王使司馬錯  
伐蜀有其地利州益昌縣古劍閣道秦伐蜀  
所由謂之石牛道陳子昂云昔蜀與中國不

通秦以金牛美女啖蜀侯侯使五丁力士棧  
褒斜鑿通谷迎秦之饋秦隨以兵而地入中  
州元和郡縣志武王伐殷巴人助焉後封為  
巴子其地東至魚復西焚道接漢中南極泮  
柯是其界也戰國策秦伐蜀十月取之蜀既  
屬秦益強秦紀惠文九年滅蜀華陽國志云  
蜀之先肇于人皇之際黃帝為子昌意娶蜀  
山氏後子孫因封焉又曰秦滅蜀因滅巴  
通典巴國今巴壁蓬集合忠萬是其地蘓氏  
曰秦之憂在大國也蜀最僻最小最先取楚

最強最後取

北有代馬

陳子龍曰是時代未屬秦當是北境緣邊近  
代之地亦產良馬

奉陽君弗說火去游燕

愚按國策奉陽君甚不取於蘇秦從李兌言  
使使與蘇秦結交則秦之游燕非為奉陽君  
不說之故

燕東有朝鮮

通鑑地理通釋曰地理志玄菟樂浪皆朝鮮

滅貉句驪皆夷殷道衰箕子去之朝鮮武王記

封箕子朝鮮王傳滿燕人自始燕時嘗略屬

真番朝鮮為置吏築障秦滅燕屬遼東外徼

漢興為遠難守復修遼東故塞至沮水為界

樂浪屬燕滿東走出塞度沮水居秦故空地

上下障王之都王險地志括地志高驪平壤城

本漢樂浪郡王險城即古朝鮮

# 遼東

通鑑地理通釋曰地理志燕地東有遼東句

奴傳燕置遼東郡以距胡通典舜營州遼水

之東是也燕遼東郡秦漢因之東通樂浪晉  
置平州後魏時高麗國都其地唐置安東都

護府

後至德廢

北有林胡樓煩

通鑑地理通釋曰戰國策蘇秦說齊曰齊燕  
戰于相之曲燕不勝十萬之衆盡胡人襲燕  
樓煩數縣取其中馬匈奴傳冠帶戰國七而  
三國邊於匈奴秦燕也趙貨殖傳燕東北邊胡  
西有雲中九原

通鑑地理通釋曰括地志勝州連谷縣本秦



九原郡按匈奴傳趙武靈王置雲中趙世家  
云地西至雲中九原郡縣志敬本古城在中  
受降城北四十里賈耽古今述曰以地理求  
之前伐九原郡城也

### 南有噶沱

通鑑地理通釋曰禮記惡池周禮泔池淮南  
地形訓呼沱出魯平山穆天子傳絕鉞山之  
隊北循虜沱之陽注今在鴈門鹵城縣地理  
志虜池河自代郡鹵城縣虢州繁東至參合  
州東至文安州霸州入海并州川隋圖經云魏改

易水

曰清寧河光武紀注山海經云大戲之山潯

沱之水出焉在今代州繁峙縣東流經定州

深澤縣

今屬祁州

東南即光武所度處今俗猶謂

之危渡口

舊在深州饒陽縣南至曹操因故  
潰決今北注新濟今在饒陽北

通鑑地理通釋曰地理志易水出涿郡故安

縣

今易州

間鄉東至范陽入濡亦入涑并州

寢郡縣志

易水在涿州歸義縣

今雄州

南二

十五里括地志一名故安河又名北易水源

出易州易縣西谷中之東東南流過歸義縣

東與潯沱河合趙惠文王五年與燕鄭易鄭  
今之莫州易漢涿郡之故安也水經注易水  
逕安次縣南鄭縣故城北東至文安縣與潯  
沱合蘇秦曰易水以南正謂此水是以班固  
關駟之徒咸以斯水謂之南易

### 南有碣石

通鑑地理通釋曰地理志大碣石山在右北  
平驪成縣西南通典平州盧龍縣在碣石山  
碣然而立在海旁晉太康地志秦築長城所  
起自碣石在今高麗界非此碣石也括地志

在盧龍縣南二十三里史記騶衍如燕昭王  
築碣石宮身親往師之正義云碣石宮在幽  
州薊縣西三十里寧臺之東通典碣石山在  
縣長城起于此長城東截遼水而入高麗遺  
趾猶存禹貢右碣石在平州南三十餘里則  
高麗中為水經在遼西臨渝縣南水中注云  
左碣石大禹鑿其石右夾而納河秦皇漢武皆登之  
海水西浸而苞其山故言水中山海經碣石  
之山繩水出焉東流注于河文潁曰在遼西  
綦縣今屬臨渝始皇三十二年刻碣石門武  
帝元封元年至碣石輿地廣記在平州石城

縣故驪成今按碣石在海旁鴈門有鹽澤故  
云碣石鴈門之饒 酈道元言驪城枕海有  
石如甬道數十里當山頂有大石如柱形其  
山昔在河口海濱歷世既久為水所漸淪入  
于海已去岸五百餘里矣

### 鴈門之饒

通鑑地理通釋曰爾雅北陵西隃雁門是也  
注即雁門山也山海經鴈門之山無草木注  
云即北陵西隃鴈之所出因以名云在高柳  
北高柳在代北故城在雲州定襄縣後改雲  
中縣水經注高柳在代中其山重巒疊嶂

東出遼塞鴈門水東南流遼  
高柳縣故城北舊代郡治遼  
王置鴈門郡今地理志秦置  
李牧常代鴈門  
脩匈奴

過代上谷

通鑑地理通釋曰匈奴傳趙置代郡燕置上  
谷郡正義上谷上至遼東地踔遠人民希  
數被寇大與趙代俗相類通典上谷易幽莫  
瀛州之地

軍於東垣矣

通鑑地理通釋曰趙攻中山取東垣與地廣

記真定府州鎮真定縣本中山之東垣邑漢十  
一年陳豨將趙利守東垣高帝攻拔之改曰  
真定有潏沱水

夫秦下軹道正義曰軹故亭在雍州萬

通鑑地理通釋曰索隱云河內軹縣水經注

竹書紀年梁惠成王十三年鄭釐侯使許息

來致地乎邛戶牖首垣諸邑及鄭馳地我取

枳道與鄭鹿戰國策蘇代曰秦下軹道南陽

而伐魏絕韓邑二周蘇厲曰齊反溫軹高平

于魏輿地廣記漢軹縣屬河內唐貞觀元年

省入孟州濟源縣故城在縣東南正義齊源在  
縣南二十里後屬孟州唐地理志齊源  
紀昭王十六年左更錯取軹唐地理志齊源  
故軹閩有戰國策校注曰故軹城在懷州濟  
源縣東南以下言修武之南陽知之按大事  
記顯王十一年韓使許息以軹道易鹿於魏  
水經注年表赧王三十六年秦伐魏至軹取  
城大小六十一皆魏之軹也軹枳通又作咫  
蘇秦傳云秦下軹道則南陽危又云我下軹  
道南陽封冀亦指此其言秦者在雍州萬年  
縣東北去灞水百步軹道亭秦王降處也蘇



代云楚得枳而國亡則巴郡之枳也

## 則南陽危

通鑑地理通釋曰地理志河內郡脩武應劭  
曰晉始啓南陽今南陽城是也秦改曰修武  
目璜云韓非書秦昭王越趙長平西伐脩武  
時秦未兼天下修武之名久矣劉氏云修武  
則寧武王伐紂名之韓詩外傳武王伐紂水  
經注修武故寧亦曰南陽馬季長曰晉地自  
朝歌以北至中山為東陽朝歌以南至軹上  
為南陽應劭風俗地理記曰河南殷國也周

名為南陽輿地廣記曰懷州修武縣本商之  
寧邑武王更名修武唐武德四年改為武陟  
而別置修武縣於隋修武縣故城南陽有二  
修武即晉  
魏之南陽也南  
陽郡今鄧州也  
東有清河

通鑑地理通釋曰水經清水東入于河謂之  
清口即淇河口也淇水東北過廣宗縣東為  
清河地理志清河水出魏郡內黃縣南

前有樓闕軒轅

日知錄曰當作軒縣周禮小胥正樂縣之位

王宮縣諸侯軒縣注謂軒縣者闕其南面

# 趙涉河博關

通鑑地理通釋曰正義涉貝州南河至博陵  
今博州博平縣漢屬東郡張儀說齊曰悉趙  
兵渡清河指博關臨菑即墨非王之有也輿

地廣記博州戰國屬齊趙衛三國之交

六國從親以賓秦從索隱曰謂六國之軍共為合

也之

愚按賓字國策原作擯若索隱之意則竟以  
為主賓之賓矣

韓北有鞏洛成臯之固

通鑑地理通釋曰左傳昭二十六年晉師克  
鞏周紀惠公封其少子於鞏徐廣曰周比亡  
之時凡七縣河南洛陽穀城平陰偃師鞏緱  
氏秦紀莊襄王元年東周君盡入其國韓獻  
成臯鞏秦界至大梁初置三川郡漢更曰地  
理志河南有雒陽縣是為鞏縣陳周

西有宜陽商阪之塞

通鑑地理通釋曰商阪戰國策作常阪通典  
商州上洛縣有商山亦名地四皓所隱其地

險阻王莽命王級曰繞雷之周南當荆楚四  
面塞阮屈曲水回繞如屋雷即今史記六國  
七轅十二絳郡縣志即陰晉地也  
表秦孝公十一年城商塞魚遇于家甘茂與昭  
封於商張儀欺楚以商志於弘農商縣衛鄂州  
內州縣商即商洛地理志弘農商縣衛鄂州  
戰國策楚魏戰于陘山魏許秦以上洛以絕  
秦於楚陽商阮即今福昌山弘農通典宜  
東有宛穰

通鑑地理通釋曰宛穰南陽二縣地理志宛  
故申伯國西通武關東受江淮一都之會也  
秦昭王十五年攻楚取宛韓釐王五年秦拔

我宛今鄧州南陽縣穰今鄧州穰縣戰國策  
謂穰侯曰君攻楚得宛穰以廣陶郡縣志本  
楚別邑取農穰之義後屬韓秦武王攻取之  
封魏冉為穰侯六國表韓襄王十一年秦取  
我穰按穰侯傳取楚之宛葉則宛亦屬楚

## 洧水

通鑑地理通釋曰通典河南密縣有洧水鄭  
州新鄭有溱洧二水水經出密縣馬頌山  
輟北城縣又東南流洧水注之又東過鄭縣南  
洧水從西北來注之

南有陘山

通鑑地理通釋曰通典今密縣山楚世家齊桓公以兵侵楚至陘山括地志在鄭州新鄭縣西南三十里一在鄭州西南魏代楚敗之陘山戰國策秦攻陘使人馳南陽之地山海經少陘之山器難之水出焉太平御覽舊傳器難之水即索水少陘山一曰嵩諸山俗名周山在滎陽縣二十五里唐志許州長葛縣有小陘山

鐵幕

徐孚遠曰鐵幕疑是障面劉言臂屈之衣是重言甲恐非也

革

射索隱曰謂以革為

戰國策補注曰按詩決拾傳決以象骨為之

著石手大指以鉤弦聞體拾以皮為之著指

左臂以遂弦恐此革即拾扶即決也索隱即

以為一物蓋據說文鞬射臂決之文也亦通

𠵽

音索隱曰𠵽與鞬同謂楯也

戰國策補注曰𠵽音伐即詩所謂蒙伐者字

皆通借史云當敵則斬堅甲鐵幕革挾𠵽



無不畢具故說者上文以甲字句謂其劍皆能斬之

南有鴻溝

通鑑地理通釋曰河渠書滎陽下引河東南為鴻溝以通宋鄭陳蔡曹衛與濟汝淮泗會于楚索隱云楚漢中分之界文穎云即今官渡水也蓋為二流一南經陽武縣今屬為官渡水一東經大梁城即河溝今之汴河是也正義應劭云在滎陽東南二十里張華云大梁城在浚儀縣此縣西北渠水東經此城南

又北屈分為二渠其一渠東南流始皇鑿引  
河水以灌大梁謂之鴻溝楚漢會此處也其  
一渠東經陽武縣南為官渡水張洎云大禹  
於滎澤下分大河為陰溝引注東南以通淮  
泗至大梁浚儀縣西北復分二渠一渠東經  
陽武縣中牟臺下為官渡水一渠始皇疏鑿  
以灌魏都謂之鴻溝荥渠自滎陽五池口  
東注之其鴻溝即出河之溝亦曰荥渠地  
理志滎陽縣汴水在西南有狼湯渠首受汴  
東南至陳入潁陳留縣魯渠水受狼湯渠東

至陽夏入渦渠浚儀縣睢水首受狼湯水東  
至取慮入泗

### 陳汝南許鄆

通鑑地理通釋曰陳國楚滅為縣頃襄王自  
郢徙都蕪為魏境於陳汝南春秋時屬沈蔡  
戰國時屬楚魏漢置汝南郡於蔡地理志魏  
南有汝南之召陵潁疆新汲西華長平許本  
許國漢為潁川許縣魏改曰許昌郡戰國策  
作鄆楚昭陽伐魏取鄆漢屬潁川唐鄆州今  
屬潁鄭語八邑有鄆周語注妘姓之國為鄭  
昌府

武公所滅漢陳皆有鄆縣應邵曰鄭伯克段

於僞是也後漢僞屬梁國韓世家秦伐敗我

在宋州寧陵縣南五十二里

昆陽召陵舞陽新都新郢

通鑑地理通釋曰昆陽漢屬潁川應劭曰昆

水出南陽東南陽至定陵入汝汝州葉縣北二

十五里有昆陽城光武破尋邑之所召陵漢

屬汝南即齊桓公伐楚次於召陵括地志故

城在豫州州郾縣東四十五里今屬潁

舞陽漢屬潁川應劭曰舞水出南樊唐屬

許州括地志故城在許州葉縣東十里今屬  
新都漢屬南陽郡國志新野縣有東鄉故新  
都王莽封今新野縣新都漢屬汝南故城在潁  
州汝陰縣西北

東有淮潁

通鑑地理通釋曰淮潁二水名地理志淮水  
出南陽平氏縣今唐州桐栢大復山潁水出  
潁川陽城縣今河南府陽乾山

袁東

通鑑地理通釋曰輿地廣記興仁府曹州宛

亭縣有故煮棗城樊噲從攻項籍屠煮棗晉  
灼曰地理志無也清河有煮棗城功臣表有  
煮棗侯顏師古曰旣云攻項籍則其地當在  
大河之南非清河之城田齊世家蘇代謂田  
軫曰客有言曰漢王謂韓馮張儀曰煮棗將  
拔齊兵又進子來收寡人則可矣正義煮棗  
故城在冀州信都縣東北五十里漢葦茆國  
故老傳云六國時於此煮棗油今按蘇秦謂  
東有煮棗當從徐廣之說冤句縣漢屬濟陰  
一作宛胸大觀二年改冤亭

無胥

素隱曰按  
其地開

愚按戰國策作無疎補注以為宿胥之口恐  
非是

西有長城之界

戰國策補注曰大事記今開封陽武縣魏惠  
王十二年魏龍賈帥師築長城於西邊長城  
即上所指又十九年魏築長城塞固陽正義  
云自鄭濱洛北由銀州至勝州固陽縣為塞  
固陽有連山東至黃河西南至夏會等州按  
蘇秦說合從在惠王後二年後七年納上郡

地則此時固陽之長城猶魏地也 通鑑地理通釋曰水經注濟瀆又東逕陽武縣故城北又東絕長城

北有河外

通鑑地理通釋曰按晉語入河外列城五注云河東也晉以河東為河外魏以河南為河外張儀說魏王曰秦下兵攻河外據卷衍酸棗說齊曰梁效河外索隱謂河外河之南邑若曲沃平周等魏世家秦復予我河外無忌率五國兵攻秦敗之河外蘇秦說趙曰魏弱



則割河外

卷行

通鑑地理通釋曰漢河南有卷縣故輿地廣記

武縣行在鄭州亦曰衍氏後漢注卷西故城在

說趙曰據衛取淇

酸棗

通鑑地理通釋曰漢屬陳留以魏世家文

侯三十二年伐鄭城酸棗取鄭地而城之也

然而田舍虛廩數之曾無所芻牧

余有丁曰數即數芻之數無所芻牧言人居

綱也戰國策無之數二字易牧下多牛馬之  
池四字

周書曰縣縣不絕蔓蔓奈何毫釐不伐將用斧  
柯

戰國策補注曰家語孔子觀周廟金人之銘  
曰焜焜不滅炎炎若何涓涓不壅終為江河  
綿綿不絕或成網羅毫末不札將尋斧柯云  
云策謂周書其指此與

齊南有泰山

通鑑地理通釋曰齊世家齊自泰山屬之琅

邪北被于海膏壤二千里貨殖傳泰山其陽則魯其陰則齊

### 東有琅邪

通鑑地理通釋曰山海經云琅琊臺在勃海間琅邪之東其北有山焦嶢特注云琅邪在海邊括地志密州諸城縣東南百七十里有琅邪臺越王勾踐觀臺也琅邪山在縣東南百四十里始皇立層臺于山上孟子齊景公問晏子曰吾欲觀於轉附朝儺遵海而南放于琅邪注琅邪齊東南境上邑管子戒篇相公將東游

問於管仲曰我游猶軸轉斛南至琅邪地理志琅邪縣越王勾踐嘗治此起館臺後漢注有琅邪山故城在今海州時山縣東北子虛賦在密州諸城縣東境初越王勾踐欲霸中國徙都于此起觀臺于山上周七里以望東海秦始皇置琅邪郡東遊登山大樂之留三月漢武帝亦登馬秦紀始皇作琅邪臺立石刻頌德

西有清河

通鑑地理通釋曰漢置清河郡治青陽縣後漢省之安帝改歷曰甘陵為清河國治桓帝改國曰甘陵魏復故晉改甘陵縣曰清河後

周置貝州宋改恩州通典春秋屬齊後屬晉  
七國屬趙地理志趙東有清河齊北有清河  
以南水經注地理風俗志曰甘陵郡東南十七  
里有清河故城世謂之鵲城清河又東北逕  
清陽縣故城西漢高帝置清河郡治此景帝  
封子  
乘為  
王

### 北有勃海

通鑑地理通釋曰漢置勃海郡今滄祿霸濱  
諸州之地宋文帝置樂陵郡孝武分置勃海  
郡後魏改勃海為滄水置滄州通典為齊趙

二國之境無棣縣齊境北至無棣在此地理  
志齊北有勃海之高樂高城重合陽信趙得  
勃海郡之東平舒中邑文安東州成平章武  
河以北

五家之兵

策索隱曰高誘注戰國

王維禎曰五家之兵管子之制也高誘注欠  
明鮑彪曰管子軍令始於五家為軌

車穀擊

戰國策校注曰穀元作聲聲者擊之訛說文  
擊車牽相擊也周禮舟車擊互穀梁傳擊者

不得入釋文音計又古的反此章史作轂擊  
按秦策車轂擊馳說苑齊人好轂擊楊雄書  
辨者轂擊讀亦通

### 衛陽晉之道

通鑑地理通釋曰張儀說楚曰秦下甲攻衛  
陽晉必大闕天下之內魏哀王十六年秦拔  
陽晉秦昭王曰吾愛宋與愛新城陽晉同蘇  
秦說趙曰提衛取淇則齊必入朝秦水經注  
陽晉城在廩丘城東南十餘里與都闕為左  
右

徑于亢父之險

通鑑地理通釋曰漢屬縣東平國漢高帝紀沛公還軍亢父光武征龐萌自將輕兵至亢父魏志呂布攻鄆城不能下西屯濮陽曹操曰布一旦得一州不能據東平斷亢父泰山之道乘險要我而乃屯濮陽吾知其無能為也

驕矜而不敢進

愚按驕矜國策作高躍

西有黔中



通鑑地理通釋曰括地志云故城在辰州沅陵縣西二十里今黔府亦其地懷楚世家秦割  
巫黔中之郡須襄王二十二年秦惠王欲楚黔  
中郡通典黔州古蠻夷之地秦惠王欲楚黔  
中地以武關外易之即此地楚  
辭注杜預陽淑浦皆在辰州楚

### 巫郡

通鑑地理通釋曰括地志在夔州東通典夔  
州巫山縣楚置巫郡秦漢為南郡巫縣故城  
縣巫山在西南

### 東有夏州

通鑑地理通釋曰楚辭過夏首而西浮夏水

口也左傳沈尹戌奔命於夏汭遂射以繁揚之  
師會於夏汭杜氏曰漢水南入江今夏口也通  
典荊州江陵縣有夏水口左傳夏汭也郡縣  
志鄂州春秋時謂之夏汭漢為沙羨東境後  
漢末謂之夏口亦名魯口

## 海陽

通鑑地理通釋曰楚威王六年敗越盡取吳  
故地至浙江左傳楚奄征南海 戰國策校  
注曰海陽海之南耳非遼西郡也盧藏用云  
在廣陵東今揚州海寧縣劉氏云楚之東

田汝成曰新安休寧古稱海陽正在楚之東也

### 南有洞庭

通鑑地理通釋曰正義洞庭湖在岳州巴陵縣西南一里又有洞庭山名君山在湖中心吳起曰三苗氏左洞庭石彭蠡韓非初見秦日秦與荆人大戰大破荆襲郢取洞庭五湖江南後漢南蠻傳云吳起相焯王

### 蒼梧

通鑑地理通釋曰按陞塞其說有三山海經

有少陁之山太平御覽謂在滎陽則正義新鄭  
近之滎陽春秋為鄭戰國為韓蓋南北之隘  
道楚為塞以禦北方故蘓秦於韓曰南有陁  
山於楚曰北有陁塞其地一也楚漢之際亦  
於此決勝負焉左傳楚子庚治兵於汾陁之  
塞在汝鄭二州

郇陽

通鑑地理通釋曰漢地理志漢中旬陽縣此  
旬水所出南入沔水商攻旬關正義云漢與  
中沔水之關在金州郡後漢省晉復按金州後  
地廣記金州旬陽縣置後魏與郡

漢末為西城郡魏得之改魏興申儀為太守

屯洵口水經注洵水東蜀蔣琬欲由漢沔襲

魏興今屬利州路南蔽夔峽西接梁洋為控

扼之地蘇秦所謂郢陽即洵陽也郢字洵通徐

廣以為順陽故城在鄧索隱以為新陽故城在蔡

州真陽皆非也又按楚世家懷王二十五年

與秦盟黃棘秦復與楚上庸正義括地志云今房州竹山縣

及金頃襄王十九年割上庸漢北地予秦正

義謂割金房均三州及漢水之北蘓代云殘

均陵塞郢隘正義均州故城在楚割上庸之

明年秦拔西陵又一年拔郢

周顯王聞之恐懼除道使人郊勞

愚按國策云將說楚王路過洛陽父母聞之

清宮除道張樂設飲郊迎三十里

蘇秦去趙

徐廣曰自初說燕至此三年

徐孚遠曰正文云秦兵不出十五年而徐云

自初說至此三年二說懸殊

於是乃歸燕之十城

國策云以金千斤謝其後頓首塗中願為兄弟而請罪於秦

而燕王不復官也

國策作不復館

不死殊而走

日知錄曰說文繫傳曰斷絕分析曰殊謂斷  
支體而未及死淮南王傳太子即自剄不殊

代乃求見燕王

大事記曰戰國策載蘇代說燕王之辭誤以  
為噲使噲能有志如是豈至覆國乎論其世  
考其事皆說昭王之辭也按史記誤同

吾聞齊有清濟濁河

通鑑地理通釋曰左傳哀十一年齊伐我及  
清注濟北廬縣東有清亭齊語桓公正封疆  
地南至于陶陰西至于濟北至于河東至于  
紀鄆水經濟濟水自魚山北逕清亭東注云京  
相璠曰今濟北東阿東北四十里有清亭春  
秋所謂遇于清也水色清深馬頰水東注于  
清濟謂之馬頰口清濟即此水也蔡氏曰李  
賢謂齊自鄭以東貫滑曹鄆濟齊青以入于  
海樂史謂今東平濟南淄川北海界中有水  
流入海謂之清河

沈氏謂濟水伏流地中東  
阿亦濟所經井水清而重



孟康曰齊西有平原德州河水東北過高唐博州  
即平孟津號黃河故曰濁河

### 長城鉅防

通鑑地理通釋曰齊記云齊宣王乘山嶺之  
上築長城東至海西至濟州千餘里以備楚  
括地志長城西北起濟州平陰縣緣河歷泰  
山北岡上經濟州淄州即西南兗州博城縣  
北東至密州琅邪臺入海郡國志濟北盧縣  
有平陰城有防門左傳襄十八年齊禦晉平  
陰整防門杜氏云在縣北  
鉅防即有長城至東海郡縣志故長城首起

鄆州平陰縣北二十九里齊愍王所築輿地  
廣記鄆州平陰縣漢盧縣地唐屬濟州又淄  
州淄川縣古齊長城楚世家還蓋長城以為  
防外紀威烈王十六年王命韓趙伐齊入長  
城左傳防門注平陰城在濟北盧縣東北其  
城南有防防有門世家趙人歸我長城在威  
王時郡縣志平陰故城在平陰縣東北三十  
五里

### 燕相子之與蘇代婚

愚按國策云蘇秦在燕與其相子之為婚而

蘇代與子之交後章又云燕相子之與蘇代婚

齊伐宋宋急

余有丁曰按傳中前言舉宋此復言宋急者何也據齊表此段是前段必誤

齊紫敗素也而賈十倍索隱曰以喻齊雖有大名而其國中困弊也董份曰齊紫本敗素而價十倍此正轉敗為

功之意非言齊國困弊也

則莫若挑霸齊而尊之

國策挑作遙

焚秦符

正義曰符  
徵兆也

金甌曰按符者節信也張儀傳云借宋之符  
焚秦符者絕之也楚世家云齊折楚符而合  
于秦解作徵兆何說

秦挾賓以待破

鮑彪戰國策注曰挾如挾長之挾秦挾賓客  
本欲并天下而反見破故必患

乃召蘇代復善待之

戰國策校注曰按此策文蓋齊已滅宋取楚  
淮北之後勸之尊齊擯秦而說秦以伐齊非

將伐宋時事也策云蘇代過魏魏為燕執之  
齊使人說魏出代代之宋宋善待之史遂以  
此策首語接其下且史記代事前待固多誤  
如舉五千乘云云以為說子噲之類代為燕  
間齊勸之伐宋見於策者可考矣是宋未滅  
時代已至燕豈至時尚留宋而為之說燕哉  
此策不能無舛而史尤失之也

乘船浮於文

通鑑地理通釋曰地理志蜀郡有汶江縣於  
州縣水經注江水自天彭關東逕汶關而歷

氏道縣北注汶出徼外崕山西玉輪坂下

乘夏水而下江水索隱曰謂夏潦也

愚按宜為夏水之口夏水通漢亦通江不得因有下夏水西出即以夏潦之水為解也

乘船出於巴

通鑑地理通釋曰郡縣志渝州古巴國唐今重

閬白二水曲折如巴字故謂之巴正義巴嶺

山在梁州南一百九十里西南夷傳楚威王

使莊蹻將兵循江上略巴蜀黔中以西燕代

云輕舟浮於汶乘舟出於巴謂汶江巴江也

張儀說楚謂方船積粟起於汶山循江而下至  
楚三千餘里不至十日而拒扞關羊祜請伐  
吳謂引梁益之兵水陸俱下崔仲方論取陳  
謂蜀漢二江是其上流水路衝要必爭之所  
彼聚兵漢口峽口則下流諸將擇便橫渡如  
擁衆自衛上江水軍鼓行以前秦以此脅楚  
晉以此取吳隋以此取陳然秦以不敢泛江伐  
關也亦難

四日而至五渚

通鑑地理通釋曰戰國策五渚韓非子作五

湖水經注湘水沅水微水澧水凡此四水同  
注洞庭北會大江名之五渚

我起兮少曲

通鑑地理通釋曰索隱云地近宜陽劉氏以  
為蓋在太行西南范睢傳秦昭王四十二年  
東伐韓少曲高平拔之正義括地志高平故  
城在懷州河陽縣西北四十里俗謂之韓王  
城非也周相王以與鄭竹書紀年云魏襄王  
四年鄭侯使辰歸晉陽向更名陽為河雍向  
為高平則少曲當與高平相近

蘇代曰已得  
宜陽少曲致



蘭水經注康溝又東逕扶溝之白亭北又東  
逕少曲亭陳留風俗傳曰尉氏縣東有少  
曲亭俗謂小城

一日而斷太行

通鑑地理通釋曰韓世家秦擊我於太行上  
黨降趙戰國策國曰一軍臨滎陽一軍臨太  
行則韓請效上黨之地

我起乎宜陽而觸平陽

通鑑地理通釋曰韓世家貞子徙居平陽世  
作景正義晉州城地理志河東平陽縣堯都

也在平河之陽  
臨汾晉縣括地志晉州城因平陽城東而為之

二日而莫不盡繇

董份曰盡繇言韓役民繇役為脩國驛動之意

我舉安邑

安邑詳魏世家

塞女戟韓氏太原卷

焦竑曰按趙策秦舉安邑而塞女戟韓氏太原  
原絕正義以卷為絕本此

封冀

通鑑地理通釋曰魏世家哀王十六年秦拔

我蒲反陽晉封陵紀年作晉陽封谷正義徐

廣云河東皮氏縣東北有冀亭晉荀息曰冀

氏今河中正義封陵在門縣秦紀惠王九年渡河取皮

包西周正義城及鞏周

通鑑地理通釋曰世本西周桓公居河南東

周惠公居洛陽呂氏曰平王東遷之後所謂

西周者豐鎬也東周者東都也威烈王之後

所謂西周者河南也東周者洛陽也考王封

其弟揭于河南以續周公之職是為河南相  
公王城威烈王嗣位西周惠公封其少子班  
於鞏以奉王寶東周惠公此東西周分之始  
也東周王所居邑也洛陽顯王二年趙與韓分  
周為二東西周各為列國顯王雖在東周特  
建空名於其上耳自是而後凡征伐謀策稱  
東西周君者皆謂二周君也周本紀云赧王  
時東西周分治非也赧王特徙都西周耳

決白馬之口

通鑑地理通釋曰水經注竹書紀年梁惠成

魏無外黃濟陽

開山圖所謂白馬山也山上常有白馬群行悲鳴則河決

曰守白馬之津正義云在滑州白馬縣非二

初見秦曰決白馬之口以沃魏氏張儀說趙

既建金堤是在故渠水斷尚謂之白馬瀆韓非

王十二年楚師出河水以水長垣之外金堤

通鑑地理通釋曰外黃漢屬陳留張晏曰魏

郡有內黃故加外地理志注左氏傳曰惠公

黃縣東有黃城故城在開封府雍丘縣東北

十里唐貞觀元年省後梁太祖幸河非至內

黃顧李延曰何謂內黃班固曰河南有在外黃曰秦

以此名內黃太祖曰外黃下黃何在外黃曰秦

有外黃郡今在雍丘下黃為北齊所廢今  
在陳留五代通錄河南有外黃小黃故城今在陳留  
為內黃小黃故城在陳留縣東北城今在陳留  
陳留小黃故城在陳留縣東北城今在陳留  
水經注云陳留風俗傳曰縣故宋地竹書紀  
年梁惠成王三十年城濟陽縣陳留郡濟陽  
縣開封府東明縣鎮

# 決宿胥之口

通鑑地理通釋曰水經注宛水東南入淇水  
淇水石合宿胥故瀆瀆受河於頓丘縣遮害  
亭東愁山西北會淇水處立石堰遏水今更  
東北注魏武開白溝因宿胥故瀆而加其功

魏無虛頓丘

宿胥水北入故蘇代曰決宿胥之口即指是瀆也  
通渠淇水曹公出山東至衛縣界入河謂之  
陽入淇水溝時人號枋頭溝洫志黎  
陽遮害亭西十八里至淇水口

水經注淇水又北逕頓丘縣故城西古文尚  
書以為觀地矣蓋太康第五君之號曰五觀  
者也竹書紀年晉定公三十一年城頓丘皇  
覽曰頓丘者城門名頓丘道世謂之殷皆北  
也蓋曰丘而為名故曰頓丘矣通鑑地理  
通釋曰春秋桓十二年公會宋公于虛注云

宋地水經注洹水出山連逕殷墟竹書紀年  
曰盤庚即位自奄遷于此遂曰殷史記項羽  
洹水南殷虛上正義云括地志相州安陽縣  
盤庚所都即此北義殷墟南去朝歌縣城百  
里有國都記云鄴縣城殷中即殷所  
有四洹水南岸三里有記安陽城名殷中  
有洹水南隱汭冢有古文陽城名殷自奄遷  
謂北冢者索隱汭冢古文陽城名殷自奄遷  
北冢曰殷虛南去汭冢三十五里太平御覽相  
圖經曰安陽紂都也戰國策曰洹水之北萬  
墟所謂北安陽是也戰國策曰洹水之北萬  
河內殷墟更屬于晉注云殷虛今按地理志  
魏世家秦拔我于晉注云殷虛今按地理志  
朝歌亦魏地也又曰水經注關駟云頓丘  
在淇水南又屈逕頓丘西爾雅曰山一成謂  
之頓丘釋名謂一頓而成丘無高下大小之



殺詩所謂送子涉淇至于頓丘竹書紀年晉

定公三十一年城頓丘與地廣記云本鄆邑漢屬東郡唐屬魏州

復置澶州晉天福四年以頓丘為德清軍熙寧四年省入開德府清豐縣戰國策張儀謂魏

王曰齊伐趙取乘丘收侵地虛頓丘危

# 水攻則滅大梁

通鑑地理通釋曰地理志陳留郡浚儀故大

梁魏惠王自安邑徙此魏世家惠王三十一

年秦用商君東地至河而齊趙數破我安邑

近秦于是徙治大梁水經注大梁城本春秋

為大梁周梁伯之居徙竹書紀年梁惠鄭食其

成王九年四月甲寅徙邦于大梁

曰陳留天下之衝四通五達之郊也太史公  
曰吾適故大梁之墟墟中人曰秦之破梁引  
河溝而灌大梁三月城壞王請降遂滅魏  
年又曰吾過大梁之墟求問其所謂夷門夷  
門者城之東門也張儀說魏史記云從鄭至  
梁二百餘里戰國策云從鄭至梁不過百里  
從陳至梁二百餘里按九域志鄭州至東京  
一百四十里陳州至東京二百四十五里當  
以國策為正又曰卒戍四方守亭障者參列  
粟糧漕庾不下十萬鮑氏謂他國或有山川

關塞惟梁無之皆以卒戍守

兵傷於譙石遇敗於陽馬

愚按國策作離石馬陵

用兵如刺蜚

鮑彪戰國策注曰集韻蜚蟲名喻易也